

Tikhalyonyandzaley ePhalamende bese tiniketwa ikomiti lebukene nalendzaba levetwe kulesikhalyonyandzaley.

### **Emakomiti angekhatsi**

Sigungu saVelonkhe sinemakomiti lamanyenti langekhatsi labukene nendlela iPhalamende iseBenta ngayo. Lamakomiti avamise kusebenta ngeMalunga lamadzala ePhalamende. Likomiti leTemitsetfo nalalamancane layame kulo asebenta ngemitsetfo yeNdu, ibhajethi yaleNdu, kusekelwa kwemaLunga, tinhlelo tangekhatsi, kanye nemandla nemalungelo laphiwa emalunga. Lamanye eMakomiti angekhatsi makomiti etinhlelo lahlela umsebenti waleSigungu, likomiti lekucondzisa tigwegwe, neliKomiti laboSihlalo.

Umkhandlu Wetifundza Tavelonkhe unemaKomiti awo asekhay. IKomiti yeTemitsetfo nalalamanyi layame kulo asebenta ngalemitselof ye-NCOP, ibhajethi ye-NCOP, emalungelo laphiwa yiphalamende, tinhlelo tangekhatsi, budlelwano bamhlabawonke nemitsetfo letfunyelwe. IiKomiti Letinhlelo lihlela umsebenti we-NCOP bese kutsi iKomiti yaboSihlalo yenta tincomo ngekusebenta kweMakomiti nalemenye imisebenti yetinhlangano te-NCOP.

### **Emakomiti esikhashana**

Iphalamende noma yinye yaletindlu tayo ingacoka ikomiti yesikhashane nangabe kunemsebenti lokhetsekile lokumele wentiwe. Nangabe lomsebenti sewuphelile, lelikomiti liyahlakatwa.

### **Emakomiti nhlanganisela**

Sigungu Savelonkhe nemkhandlu wetifundza tavelonkhe ngekuhlanganya bacoka emakomiti nhlanganisela lambalwa, sibonelo IKomiti Yekubuyeketa Umtsetfosisekelo.

Likomiti nhlanganisela lanomphela letebunhloli neLikomiti nhlanganisela lanomphela kuteKuvikela ngemaKomiti lamiswe ngumtsetfo. Loku kusho kutsi akhiwa ngokweMtsetfosisekelo noma ngokweMtsetfo wePhalamende, kanye futsi nangakwemigomo yePhalamende.

Lamakomiti adlala indzima lenkhulu kulencubo yekwakha intsando yelingyenti nekumbhandzakanya sive kulenchubo nemisebenti yelaphalamende.



## INDZIMA NEMISEBENTI YEMAKOMITI EPHALAMENDE

Letindlu letimbili tePhalamende, Sigungu Savelonkhe neMkhandlu Wetifundza Tavelonkhe tenta umsebenti wato ngekuhlala emhlanganweni (lapho emalunga endlu ahlangana ndzawonye njengelicembu linye), nakumakomiti (emacembu lamancane emalunga)

Kusebenta kumakomiti kuvumela iPhalamende:

- Kukhulisa umsebenti longentiwa
- Kucinisekisa kutsi tindzaba kungakhulunyiswana ngato ngendlela lenabile kunasemhlanganweni wendlu yePhalamende
- Kukhulisa lizinga lekudlala indzima kwemalunga ephalamende (MPs) kutetinkhulumiswano
- Kunika emalunga ePhalamende kwakha buhlakanli nelwati lolujulile mayelana nemsebenti tsite waleyekomiti
- Kuniketa sive lituba lekutfula imibono yaso kumalunga ePhalamende, lokuyintfo lengakhonakali emhlanganweni wendlu yePhalamende
- Kuniketa simo kuPhalamende sekova bufakazi nekugcogca lwati lolumayelana nemsebenti weKomiti tsite.

Emakomiti, ngalokutayelekile, akumeleka kwebunjalo bermavoti etinhlangano letisePhalamende. Imihlangano yemakomiti ivulelekile esiveni, kepha ingaba ngulavalekile uma kunesizatfu lesikahle sekwenta njalo.

Lamakomiti lahlukene anamunye noma ngetulu kulemisebenti lelandzelako

- Ahlola abuye agadze imisebenti nemabhajethi ematiko ahululumende wavelonkhe futsi awente alandzise ngawo
- Abuka abuye agucule imitsetfosisivivinyo, angabuye asungule imitsetfosisivivinyo
- Abuka tiphakamiso temitsetfo temalunga latimele netetifundza netikhalyonyandzaleyo letikhetskile
- Abuka tivumelwano tamhlabawonkhe
- Ahlola tindzawo letikhetskile tempilo yesive noma letitsintsia luvo Iwesive
- Anaka tindzaba tasekhaya tasephalamende

Emakomiti anemandla ekubita nobe ngubani umuntfu kutsi avele embikwawo, anike bufakazi noma akhiphe imiculu. Angacela nobe ngubani umuntfu noma sikhungo kutsi babike kuwo. Emakomiti angamukela tikhalyonyandzaleyo, timelo noma tetfulo lokubuya esiveni. iKomiti ngayinye iholwa ngusihlalo

## EMAkomiti LAHLUKENE EPHALAMENDE

### Emakomiti Esigungu Savelonkhe

Sigungu Savelonkhe (SV) sikhetsa inombolo letsite yemalunga aso kutsi abe yikomomiti yesigungu savelonkhe kwenta umsebenti lofana newematiko lahlukahlkene ahulumende.

# Emakomiti ePhalamende

Indzima yeMakomiti eSigungu Savelonkhe:

- Kubuka imitsetfosisivivinyo,
- Isebenta ngemavoti ebhajethi elitiko,
- Kugadza umsebenti welitiko lelisibopho salo, bese liyabuka lente tincomo ngetintfo lelotiko lelibukene nato, kufaka ekhatsi kwakheka kwalo, kusebenta nenchubomgomgo

Imisebenti yeMakomiti ayigcini kuhela kuhulumende. Angaphenya noma ngabe nguluphi ludzaba lolutsinta sive loluwela ngaphasi kwemisebenti yalo. Kunekomiti yesigungu Savelonkhe kulelo nalelo hhovisi lendvuna nelitiko lahulumende lelicondzene nalo.

### Emakomiti eMkhandlu Wetifundza Tavelonkhe

Umkhandlu Wetifundza Tavelonkhe (NCOP) ukhetsa kulamatunga awo lahleli ngalokugcwele inombolo letsite yemakomiti emkhandlu wetifundza tavelonkhe kutsi asebente kulamatiko lehlukene ahulumende nekusebenta ngemtsetfosisivivinyo.

Nganca yekutsi emalunga langu-54 kulangu-90 e-NCOP atitfunya letihleli ngalokugcwele nakucatsaniswa nalangu-400 e-NA, lekomiti yemkhandlu wetifundza tavelonkhe igada umsebenti wematiko langetulu kwalinye.

### iKomiti Yetimali Tempifikatsi

Likomiti Lanomphela leSigungu Savelonkhe Letimali Tesive licaphele ngeliso lelibukhali kutsi labaphetse bayisebentisa njani imali yebakhokhi bentsela. Umnyaka nemnyaka umhloli mabhukujikelele uletsu umbiko wetimali nekutsi timali tisetjentiswe njani kulamatiko lehlukene ahulumende nakuto tonke tikhungo tahulumende.

Tinhloko tematiko netikhungo tahulumende tibitwa njalo ngulekomiti kuletsa umbiko wekutsi tisebente njani timali. Lekomiti ingancoma kutsi Sigungu Savelonkhe sitsatse tinyatselo tekucondzisa nakunesidzingo.

### Emakomiti etiphakamiso temalunga temitsetfo netikhalyonyandzaleyo

Imitsetfo lehlongotwako ingaletfwa lilunga leSigungu Savelonkhe ngalinye. Lena mitsetfo lehlongotwako ibese ibukwa ngulekomiti yanomphelo lebukene netiphakamiso temitsetfo temalunga netikhalyonyandzaleyo letikhetskile yesigungu Savelonkhe. Nangabe lamakomiti avumelana nalenchubomgomgo yalomtsetfo lohlongotwako, umtsetfosisivivinyo uyolungiswa bese-ke kutsi iPhalamende iyawuhlisisa.

Emalunga emakomiti emkhandlu Wetifundza Tavelonkhe netiphakamiso temitsetfo tetifundza ahlola lomtsetfo lohlongotwako kulilunga ngalinye le-NCOP netishayamtsetfo tetifundza.